



SAMBËN LADINA
Cumpededa dla jënt 2011

tl zënter dla scoles autes y profesciuneles a Urtijëi

ai 6 de utober 2011
dala 9.00 ala 13.00

L ArtDay ie na azion che vën tenida a nivel naziunel danter scoles autes y profesciuneles per valorisé l potenzial creatif di jëuni. Pur tan inant la bela tradizion dl ArtDay, che dëssa ti dé lerch al spirt artistich te nosta scoles, ons metù a jì na manifestazion che tol ite duta la scoles autes y profesciuneles ladines ai 6 de utober 2011, scumencian dala 9 tl zënter dla scoles autes y profesciuneles de Urtijëi.

Tl cheder dla manifestazion uniral prejentà y sëurandat ala scoles l liber “Ancuntedes/Incuntades” dl Ntendënt Roland Verra, che possa unì adurvà per l nseniamënt dla literatura ladina tla scoles autes.

On ulù nvië ite duta la studëntes y duc i studënc propi n ucajion dla cumpededa 2011, metan la manifestazion sot al tema „Sambën ladin/a”. Cun chësc ulons sensibilisé per la detlarazion ala grupa ladina y nce per la simpatia ala dimenscion culturela ladina da pert di studënc di autri grups linguistics.

Ntëur 500 sculées y sculeies unirà mpartii ite te 25 grupe de lëur, coordinedes da esperc de uni sort de ativeies creatives y artistiches.

L ie na ucajion de ancunteda danter duta nosta sculées y duc nosc sculeies y perchël ulons che la grupe vënie mescededes danter la scoles.

Speron de arjonjer i fins de chësta scumenciadiva, lascian l lecord de bela esperienza deberieda aldò dla pedagogia dl fé y dla ancunteda.

Program dla manifestazion

9.00 ancunteda de duta la sculées y duc i sculeies sun la plaza danter la scoles
saluc dla autoriteies
prejentazion dl liber “Ancuntedes-Incuntades”

Daldò mët man i workshops

teater mujica ziplé comics video coreografia balé depënier dessenië fotografia grafica bodypainting graffiti sport scri criatîf mudelé y troup d'auter

13.00 Fin dla manifestazion

Sëis nviei de cuer ala manifestazion

L Ntendënt
dr. Roland Verra